

termini mehr gewalt in dem zeichen / dann der Herz
des zeichens / vnd die bedeutung gebürt jm.

Wann der Herz des termini in seinem termino ist /
vnd in seinem hauf / dann wirdt seine bedeutung ge-
sterckt / vnd sein würckung erstreckt sich.

Vnd ein jeglicher Planet der ingeht in ein zeichen
das jm schädlich ist / wann er in sein selbst termino ist /
so wirdt von dem zeichen der schaden gemindert / vnd
wirdt gesterckt / von wegen das es den schaden von
jm zeücht. Wann der Planet in ein zeichen geht / das
in glückhaftig macht / vnd in sein selbst termino ist /
alsdan so wirt sein glück gesterckt vnd gemehrt / vnd
wirdt sein würckung warhaftig vnd gesterckt in al-
len seinen bedeutungen vnd handlungen / mit der hilff
Gottes.

Das dritt Capitel.

In Faciebus.

Solt wissen das in einem jeglichen zei-
chen drey facies seind / vnd in einem jeglichen fa-
cie seind die / da die weisen gesagt haben / von den ge-
stalten / figuren vnd gleichnissen / vñ dise seind starck /
so durch die Planeten getheilt werden / nach irer ord-
nung in Himlen. Vnd wann die zertheilung kompt
zu den vndersten Planeten / so kert er vnder sich / vnd
sacht von oben an der höhe an / vnd die facies haben
die natur vnd figuren / so vber ein stimmen mit den
naturen